



26. oktober 2006

Inatsisartut suleriaasissaanni § 36 imm. 1 naapertorlugu Naalakkersuisunut imaattumik apeqquteqassaanga:

**Suliffeqarfinni Namminersornerullutik Oqartussat pigisaanni pisortat aamma siulersuisuni ilaasortat pissusilersortarneranni ileqqorissaarnissamut najoqqutassiat pillugit apeqquut.**  
(Inatsisartunut ilaasortaq Marie Fleischer, Demokraatit)

Nunatsinni – nunani allanisulli – maligassiuisunik pitsaasunik uatsinnit siuarsimanerusunik nuannaartorisaaqarnissarput pingaartuuvoq. Pingaartuuvoq tanngassimaarutigisinnaasatsinnik peqassagutta.

Nipilersornermi assersuutigalugu Angu Kimmernarlu pigaavut timersornermilu assammik arsaattartoq Jacob Larsen sisoraatinillu ujakkaartartoq Martin Møller. Inuit taakkua tassaapput nunatsinnut aallartitatut assersuutissaqqilluartut.

Demokraatit isumaat naapertorlugu pingaarluinnarpoq inuussutissarsiuteqartuni nuannaartorisaaqarnissarput. Pingaartuuvoq inuussuttortatta kalaallini inuussutissarsiuteqartuni qummut isigisaqarsinnaappata, aammalu immaqa eqqarsassappata taakkua assigilluinnarusullugit – inuussuttorpasuit allat Angutut Jacob Larsenitullu assigiumagaluarlugit eqqarsartarneratulli.

Inuussutissarsiornermi nuannaartorisat taamaattut pilersinniassagaanni taamaattooq Demokraatit isumaqarput ataatsimoorluta tamatta nuannaartorisatsinnut ileqqorissaarnissamut najoqqutassiat pilersissagivut, taakkua aamma piviusumik nunaartorisatulli saqqummertarsinnaaniassammata.

Tamakkua tunngavigalugit Naalakkersuisut apeqqutinut makkununga isummernissaannik qinnuigissavakka:

1. Ullumikkut suliffeqarfinni Namminersornerullutik Oqartussanit pigineqartuni pisortat aamma siulersuisuni ilaasortat pissusilersortarneranni ileqqorissaarnissamut najoqqutassiat suut pineqarsinnaappat?
2. Demokraatit inuussutissarsiutinut tunngasunut oqaaseqartartuattut isumaqarpunga, soorlu Namminersornerullutik Oqartussat suliffeqarfiutaanni pisortaalluni imaluunniit siulersuisuni ilaasortaalluni inatsisit unioqqutinneqarpata annertuumik akiliisitaanermik, piumasaqaatitalimmik eqqartuunneqarnermik imaluunniit piumasaqaatitaqanngitsumik eqqartuunneqarnermik kinguneqartumik malitseqartinneqartariaqartoq. Naalakkersuisut isuma tamanna isumaqatigaat?
3. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisorta q imaluunniit siulersuisuni ilaasorta q apparatusaminut nakuusersimasutut annertuumik akiliisussanngortinneqarpat, nakkutigineqartumik eqqartuunneqarpat imaluunniit piumasaqaatitaqanngitsumik eqqartuunneqarpat?
4. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisorta q imaluunniit siulersuisunut ilaasorta q meeqqaminut



allalluunniit meeraannut nakuusersimasutut atornerluisimasutulluunniit annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?

5. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq nalinginnaasumik nakuusersimasutut imaluunniit assersuutigalugu imerniartarfimmi nakuusersimasutut annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?
6. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq imigassartorsimalluni biilersimanerminut annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?
7. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq hashimik, cigarettinik, viinninik, imigassanik kimittuunik assigisaannillu anngiortumik eqqussinermi annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?
8. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq pisortat namminersortulluunniit illuutaannut aserortersimanerminut annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?
9. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq tillinniarsimanerminut akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqannngitsumik eqqartuunneqarpat?

Apeqqutit sapinngisamik piaartumik akineqarnissaat piumasarineqarpoq kingusinnerpaamik 10. november 2006 akissuteqarfissatut piffissaliullugu.